



Cumün da 7551 Ftan

tel. 081 864 19 52 / fax 081 864 00 08

e-mail: cumuen.ftan@bluewin.ch

internet: www.ftan.ch

Manual per l'adöver dals stabilimaints agriculs e forestals

Las chamonnas e las alps servan in prüma lingia a la pastriglia (düront il temp d'alpagiada) ed al persunal forestal.

Pür in seguonda lingia pon chamonnas cumünalas eir gnir missas a disposiziun a terzs.

Mincha persuna chi fa adöver d'ün stabilimaint ha da surdar tal in bun uorden.

Ils giodaders suottascrivan al cumanzamaint ed a la fin da la cuvegna ün protocol davart il stadi actual dal stabilimaint. Cuosts per dons chaschunats dal giodader ha quel da surtour. Tuots oters drets e dovairs regla la cuvegna.

Chamonnas missas a disposiziun a terzas persuns ston adüna esser in ün stadi chi pon servir tenor bsögn a la pastriglia. Il respunsabel champester orientescha ouravant al giodader.

Mantegnimaint e giodia suottastan al Cussagl da Cumün.

Respunsabel per la controlla e coordinaziun es il schef champester.

L'alp Laret ha il cumün surdat a la Terza e nu vain missa a disposiziun.

Per la giodia stan a disposiziun las seguintas chamonnas

- Uaud (God Plan)
- Reisgia Veglia
- Tasna / Urschai*
- Peidra Schmella
- Marangun Urschai
- Planmundanaira
- Funtana Merla / Era dal Piz*
- Greala

*Las chamonnas dad Urschai ed Era dal Piz pon gnir dovradas be per la chatscha e quai dals giodaders da Tasna respectivmaing Funtana Merla, premiss cha la pastriglia vuol o sto brattar il lö (pervi da naivs, pas-chs e.o.p.).

Criteria per l'adöver da chamonnas

1. Il cumün po spordscher be chamonnas chi accumulischan las normas chantunalas. L'oget sto esser abitabel, i ston esser avantman – sper la construcziun portadra – mürs cun fanestras ed üsch, il tet, fuonds ed üna platta o pigna cun chamin. Tuot sto eir funcziunar!
2. Las cunvegns da giodia valan per la dürada da tschinch ons e pon gnir desdittas sün la fin da minch'on.
3. Mincha tschinch ons vegnan publichadas tuot las chamonnas danouvmaing.
4. Persunas chi possedan svesa, han a fit o in dret da fabrica chamonnas a Ftan nun han dret d'üna chamonna cumünala.
5. Interessents ston avair accumulì il 18 avel on ed esser domiciliats (domicil da dret civil e dret d'impostas) in cumün. Pro ün müdamaint da domicil scrouda la cunvegna per la fin da l'on curraint.
6. Interessents – singuls o gruppas – s'annunzchan in scrit infra il temp indichà illa publicaziun pro la cancellaria. l's po s'interessar be per üna chamonna.
7. Ils interess da la chatscha dessan gnir resguardats adequataming.
8. In cas da plüssas annunzchas per listess oget vegnan invidats ils interessents ad üna discussiun cul Cussagl. Schi nu's chatta cumünavelmaing üna soluziun, decida l'istanza a chi cha la chamonna vain datta. I vegnan preferidas gruppas.
9. Per cas ch'ün giodader o commember d'üna gruppa da chamonna dvainta tras jerta o cumprita sves possessur d'üna chamonna a Ftan, das-cha'l listess giodair la fittanza tenor la cunvegna fin la fin da l'on curraint.
10. Las cunvegns vegnan fattas per regla cun üna persuna singula. Pro gruppas vegnan notats ils noms dals oters partecipants d'üna chamonna (premissa punct 5) sco agiunta a la cunvegna.


Disposiziuns transitoricas

- Cull'approvaziun da quist manual vegnan abolidas tuottas decisiuns e cunvegns chi stan o staivan in connex culla fittanza da chamonnas cumünalas.
- Unicamaing la decisiun dal Cussagl da cumün dals 26 schner 1999 – chi riguarda la giodia da la chamonna da Marangun concessa a Jon Plouda pel temp da chatscha – resta.

Quist manual es gnü approvà dal Cussagl da cumün illa sezzüda dals 2 october ed adattà dal Cussagl da cumün illa sezzüda dals 18 december 2012.

PEL CUSSAGL CUMÜNAL DA FTAN

il capo
2



actuar



Occupaziun VADELS

remarchas

Funtana Merla	principi gën - mittà lügl
Alp Clünas	principi lügl - fin settember
Funtana Merla	mittà settember - mittà october

Occupaziun MUVEL SÛT

Plan da Uaud	ca. mittà mai - ca. 25 gën
Urschai	ca. 20/25 gën - ca. 10 settember
Plan da Uaud	ca. 10 settember - fin october

Occupaziun BESCHA

Reisgia Veglia *	principi mai - ca. 20 gën
Tasna	mittà gën - fin lügl
Muot da l'Hom	fin gën - fin lügl
Marangun d'Urschai	fin lügl - principi settember
Tasna	principi settember - principi october
Plan Mundanaira	principi october - principi november

* evt. amo alch dis principi october